

冬心先生詩續集

附補遺



序

冬心先生客遊無方既倦而歸老矣平生嗜好已泊
然矣不能唐捐者詩耳詩至癖亦妨學道乃攝徂
景于既往遺空響于方來函詩曷以哉前代不具論
當世鉅手自新城秀水一二公而外多傷流易失不浮
不盡之旨先生竊非之故詩不喜多作作亦不諧俗
可司空表聖自論其詩云直致所得以格自奇格奇
未敢居直致所得則自雪刺生顛後閱世深轉於物
情近故聊為述之得于羈旅則有杯底青山波上
宅年、秋兩夢來時得於閒適則有我是釣師人



澱否白鷗前導在春船又經聲出溪中茶器散林
下得於遊覽則有突與老松遇暗隨孤磬行又青
山之青分外青逼真故人雙眼睛又重湖多少秋忽
落青鞵底得於感慨則有人不送迎山送迎又可惜
我老松不老我髮已白松仍青得於曠達則有從
今造酒營生壙先對青山醉百巡如此數語皆悟
言千載得味無味因排續續集上下卷成而率
爾言之乾隆十二年太歲在丁卯三月三日錢唐金農
自序

平江貝氏千墨翁鈔藏本

冬心先生續集上卷



錢唐金農壽門

林臥

聞道苦已晚王郎四八年卦開悲損益林臥貌人天且飲
彭澤酒不謀汶陽田南鄰有朱老愛我愛狂顛

月夜聽李山人中喆彈琴二首

孤琴張夜耳根清涼月入軒滅燭明莫辨松風與溪籟
七條弦上是何聲

此音最古百靈初洗手再彈心洒如半曲冷誰解聽
謝家池畔一雙魚

遇古水上人

瓢笠宜獨往阿師禪味同林疎目不隨雲懶心相通梵夾
時一檢佛光正當中秋泉亦何苦啼斷蘚床空

自題四十三歲小像後三首

五載重逢身外身二千里路沙塵天涯豈少爭相識
娘子関前墮馬人

柴車已毀慢全無煙權霜蓬計不孤拋却殘書一竿去
有鱸魚處釣江湖

風情頓減鬢絲添越角吳根屬阿誰杯底青山波上宅
年、秋兩夢未時

一本作蜀油燈影活飄零往事無情隔杳冥杯底青山波上宅每春秋兩夢中聽

平江貝氏千墨齋鈔藏本

餽菊一篇 有序

冬心先生厨無突煙不為所厄果何術耶客居有

菊數畦采之以當夕餐菊可餽乎因作餽菊詩

一篇

葉疎花更疎寒菊澹如此有酒香入杯無人影在水可以
充齋厨夕糧笑糲糲餐之得長生我亦康風子

法藏禪客見過心出家庵

讀書慈氏廬秋曦倏將暮買山千金無留僧一飯屢黃
鵠渺莫逢白雪狎如故林際空翠飛微涼半衣履

邵陽褚峻飛白歌 有序

雍正甲寅九月予客廣陵褚峻自吳興來將還
邵陽後予游者決旬于去之日出宗內庫羅紋紙
界烏絲闌乞予作飛白歌為言非夫子莫能作
也予時抱禪病未敢破泓穎之戒峻必欲得之
又留三日再請曰歸橐無長物唯求夫子詩壓
裝耳予感其勤倦之意乃賦此篇峻真好詩也
哉峻之飛白書頗得古賢遺法今之人不為也其
善椎拓極搜殘剝蝕之文予詩中亦言之世
之交峻者定以予言為可徵也

邵陽褚峻性好竒九峻山前嘗拓昭陵碑青氈白椎自

載隨壯哉猛氣可敵千熊羅太少之室搜其秘岷沱大
江探其危蛇虺陰宅虎豹窟獨來獨往恒輒飢石碣有字
掃空苔雨色苟得一字兩字心先馳頻年交我頗資
我百番把贈翠墨光淋漓我如歐趙嗜古志亦苦願補史
傳歲月里爵之闕遺今秋相見邗溝上枯荷敗柳西風
吹我願憔悴君落寞君時慰我忘孤羈君言曾工飛
白書能作此歌唯吾師我聞飛白人罕習漢世須辨俗
所為用筆似帚却非帚轉折向背乘離雪浪輕張仙
鳥翼銀機亂吐冰蠶絲此中妙理君善解變化極巧髣
髴般与倅君誦我詩重再拜發狂笑面同鞞皮詰朝別

我君忽去錢刀不計還家貲到處題名磨廢瓦儻逢
秦宮鄴臺當暮追眼底紛紛牽犬臂鷹手嗚呼峻也
果異幽并兒

斜陽

板橋瓦曲酒壚荒一段清愁百折腸蝶散冷香花落
粉最難畱住是斜陽

雨

夜雨客惟冷淅冰騷々屑々復嘈々此聲如在黃茅驛
酒盡空杯聽一鐙

寄歸安明府裴魯青二首

平江貝氏千墨齋鈔藏本

故人為令擅風儀日復相思歲及期一樹病梨知作賦
定能除蠹憫瘡痍

春船啣尾春波平酒壓春缸柳滿城可記粥香餠冷候
小敷山下過清明

冬心先生近得二爐古色華妙皆宣德年間物
日煬竈然火以置几席夜則繼之有客過曰
先生冷人何乃耽此熱事可弗為也先生笑不
能答作詩二首聊解賓戲

一雙銅箸揆紅灰獨賞茶寮日百回不逐豪門結爐社
酒杯傾污笑轟雷

小除夕近雪蕭蕭，闔戶何人慰寂寥。賴有丹陽許玉斧，
摩挲鑄字誌前朝。潤州許曼能辨爐之真贋，時過予論說頗可聽也。

淮隄柳

綠柳一株紅板橋，東風用力媚春朝。可憐種向淮堤上，
不是低頭便折腰。

汎蕭家湖

廻汀曲渚暖生煙，風柳風蒲綠漲天。我是釣師人識否，
白鷗前導在春船。

東溪曲二首

解憐惜別鳥，雙棲翠羽明。璫肯污泥，莫道芷江蘭浦遠。

平江貝氏千墨齋抄藏本

門前香草滿香溪

滿裙人去隔銀塘，厭厭正夕陽。不想青苔想浣步，

一條羅帶水痕長。

過開高士執中隱居

清光愛平旦，盟罷一相親。水澁鄰左右，藥田絲冬春。言
酬到居士心契，臧丈作人冲。隱有嘉會著，簪不厭負。

簡鄰曲陸秀才立

落花未全落，四月有餘春。野水多于屋，荒苔不見人。睇
睇空遠託，寐寐屬前因。第一難忘者，茶鄉與菊鄰。

寄樓五丈正檀山居

多字疑高字之訛

一別故人生百憂劉伶臺畔熟無休松風灑面泉喧耳
想住山中五月秋

長夏坐東谿上

園菴非卑居道遠獲長暇經聲出溪中茶器散林下滑
草輕自攜小風清可借鳥所魚後容吾其同休夏

寄贈天台僧元濟

我愛白足僧林中置禪室忍草詎可傷暴禽久已黜一
縛經譯無五種食禮畢間戀在山泉石梁不輕出

水軒

東頭開水軒幽曠彌日夕後光花漂溪下上鷗散席詩

平江貝氏千墨齋鈔藏本

卷得九僧茗柯思二客此地可息陰熱中若冰釋

崔氏廳前松

長身數君子綠髮無秋霜舉手招清風梳櫛生疎香腐
苗不敢蒸壞蟻何能戕惟有藍田丞對之名捐忘

薄遊楚州居東溪之上已三易翔晦矣目有所存

古有所言雜書二首以揭坐隅

狗子貓兒可共居天生物性得人如終朝俗容罕相見
足垢頭脂快洗除

東陽餉米義難受上谷借書老更癡三十年來抱詩苦
冷癥何處問秦醫

東溪

自入東溪任東溪無俗昏水清魚獨樂蒲老兩相喧散
髮已遺世開書合閉門寄言楚州長吾計避朱轡

題倪瓚溪山秋意小幅

稚竹數挺多戰筆秀峯一圭生晚愁溪堂展看小直幅
澹野風衣袖秋

宋人團扇絹本山水

連林迴複山觚稜淺絳顏色青髻鬢落筆與人隔千里
從來獨詣羞同能

病起看雨

雪車冰柱覓無方盡日孤藤篔簹屐忙貪看綠萍池上雨
果然一雨病先涼

楚州城北荷花二首

三十六陂涼似秋鸕鷀堰外撐空舟野荷萬柄綠無路
便有雨聲鬧不休

香瓣仙根別結胎暑銷一點透靈臺勸人小飯留人宿
半斂花房捧玉杯

中州憺道人梅花歌

林慮山中僧結廬終朝枯坐心常虛不語不笑如不食
恍若寒汀宿鷺夜守魚一丸霜月冷於水白洪色絕無

萍此時壞袖幕首涕垂膺悲憫人間萬木死對月盡
梅三兩株猩毛縛筆可使驅空圈亂點信手塗排雷攢
萼忘其麤似間踈香未撲鼻獨侈清酸少肥臚石作
瘦面苔黏鬚較之越城王郎更好事

茅山訪楊仙翁

仙扉如滑玉仙磴有陰霞列坐雜山鳥逆聞尋澗花大
年堯甲子上隱漢元嘉向夕耽言妙清風出齒牙

山中琴興

獨蒞絲作弦撫琴膝上橫山月既可呼竹風紛相迎衆
耳同一聽何人求其聲我心出流水秋澗無此清

平江員氏子墨客妙哉大

秋荷

渚宮水殿客依稀不信人間秋漸非連日敗荷傷夜雨
暗銷青蓋落紅衣

稽留山中讀書二首

上世重韋布令人貴犀龜二者性各殊有賴文字垂女
蘿長惻、貞木高纒、觀物遺浮滌巖澗無平期
先民隱於牧羊豕以同羣讀書善解書五十何苦勤一
薦鑿坏遯交辟毀車焚果然樵山老不失為徵君

過溪雲精舍懷正相開士在西洛

雲離忽雲合置、復盤、松子向人落山光滿屋寒極

心六時好道眼百年看今夜託遙夢秋聲八節灘
訪太湖上周文仲文

幽居小沈瀆枉訪遂天閣山好在舍下雲生交曉間美
田秋有穫青桂暮相攀七十何言老夫君多古顏
祁隱君嘉方遊南山歸索予贈詩

有客著遊履齋心三日遲循泉入磻戶囊藥出松帷丹
錄不可瀆白雲以為期還家話山水佳處似嵩伊

過安隱寺泉上

扁舟五十里到寺門清突與老松遇暗隨孤磬行鳥
時來石案苔欲上山極愛此池頭水汲之雙玉照

江上得大梁竇十三源書

袖手坐清曉沉吟十月初江寒雁無次山遠樹生疎庾
氏少新產何郎有故廬殷勤望來使花下洛城書

題江寺左壁

江寺晝冥、江楓照路青衆山自駢抱一雁遠零丁何
處聞吹笛有時逢負苓寬鞵獨來去炊飯飯荒亭

李居敬自長興來以下若酒見遺作詩答之

懷君在西吳江鄉隔山縣落葉寒先聞斷雲晚窺見五
言詩教微一笑道心善昨來下若舟良醞殊可戀

贈吳興七歲童子沈望齡

名父有佳兒弱齡秀眉目熟誦大小經趨步就東一作塾
懷中出芳稿奉親歡娛甘味抱貞性踰淮良不渝更
聞一作書粉蠟紙何膩想見落筆時能為楚頌字白
門一作先生歌心手毋相忘紫衣誇人前似王家七郎

汪員外澹人招要林館飲酒賦詩

杪擢樹底青惜曲池怪石羅堂襟芳樽畫陳朋盍簪
主情稠疊手奉斟賤子取醉樂不任復設茗事在本尋
徑山雙井開蓬心水味極淡茶味深丰甌嫩色如秋陰此
時宜聽風中琴戴公舅舅懷瓊琛大小雅言和其音
謝家兒好耽書淫一門有集須雕鏤何幸與之同清吟

并江員外詩集卷之六

屢訪石林書堂留必竟日輒賞鄙詩奉酬一篇未
足以報君子良情也

一過石園坐再來林愧眠對石澹無語開林夕生娟主人
與客同晏處釋塵服千鷓酒常持七略書可讀是月
暑雨多顛顛其如何華鑣嬾相逐時叩巖阿我詩衆
口嫌苦味失調適愛之獨有君天上矜標格鶴不浴而白
玉不寒而溫豈意歎賞間聞此長者言

閔君改亭邀其郡中士友自小東門汎舟紅橋
余亦從游因作長歌

小秦淮上風光賤隔歲鉉華阻相見水本無情却有情

綠波如對故人面君今沽酒并買舟連臂紫衣拉白頭
月負紅橋好天氣雙鳥梳翎新兩收五月荷鄉共清坐
花開不多葉頗大芳草難缸醉罷休離愁別怨毋輕說
東船涕管露正溥西船催弦燭漸殘莫笑吟詩苦釣棘
游絲書滿滿囊看

張水部出觀宗范寬畫獨山草堂圖

畱我看畫雙瞳明笑啓厨鑰開寒廳短童捧出頗矜
貴兩頭小軸魚膽青宋楮堅光未糜壞款字低行類垂薤
畫中遺事畫外尋慢展輕义且高挂一峯孤撐如破
中下集精舍床少塵林花新沐方過兩爐香不絕疑有

平江月氏千墨筆抄藏本

人當年妖禍遭非妄前藏賈相後嚴相細說流傳奈
話多却喜雲巒尚無恙先生棄官卧漳濱葛衣典
庫長飢負此畫勿失若此樂可換三東之粟十東薪

乾隆元年八月余遊京師十月驅車出國門之曲

阜縣展謁孔廟、中古柏皆舊時熟識者表
回久之作長歌一首

八月飛雪遊 帝京栖苦面誰相傾獻書嬾上公與卿
中朝漸已忘姓名十月堅冰返埃程得行便行無阻行
小車一輛喧四更北風恥作鷓旦鳴人不送迎山送迎
之亘之殊多情冷光寒翠眉際生先師儒里瞻尊榮

入廟肅拜安心旌難香何必刑牢牲告日藝事通微
誠嗚呼五經昌且明吾欲手寫承熹平字畫端謹稿
俗猥隸學勿絕用乃亨刻石嵌壁開暗窗此間古柏含元精
壽可千歲歷戊庚左圍右列如墉城弗為火奪惟汝貞
舊時熟識母年盟日坐其下繁籟清恍然奏樂聞笙
旅歲云暮取琴彈之久不成曲感賦二首
軫上流塵撲又生彈時十指少和平枯泉僵木若箱口
始信無聲勝有聲
相較伶人絕路憐不成三歎輟哀弦刺船吾欲尋師去
且任青山一百年

魯中雜詩

余留魯中四月桑樞蓬戶儼若古之窶人凡賦
於目書於心皆記之覽奇傷逝時有所寄每作一
詩能過而口誦者得齊叟馬叟年已七十餘為此
鄉先輩孔民部舊客不深讀書頗具孤竹國
老馬識塗之趣噫叟之於余亦可謂知言也夫
雪裏紉衣客斷炊伴狂何以洽朝饑新歲奇貨古刀
布錢癖居然似富兒
溺飲湛冥已喪真長年長夜復千巡國中所見皆糠粕
捐酒毀器無其人

會稽內史負俗姿字學荒疎笑騁馳恥向書家作奴
婢華山片石是吾師

病與水沉香有緣一官輕蛻若秋蟬齊州之大在几案
冷落誰看九點煙

粉脂塵土掃除空宋楮唐謙屬化工八十王郎太辛
苦只堪貴戚畫屏風

諸峯橫黛浮蒼前我獨攬遊尋丹鉛拄杖且從嶽東
去恍騎白龍上青天

琵琶纖手失春蔥欲續么絃調不同殘燭淚流花暗泣
傷心偏話玉熙宮

平江貝氏千墨齋鈔藏本

三薰三沐開徑囊精進林中妙意長禮畢小身辟支佛
寫時指放玉豪光

寒夜聽韓丈彈琴送姜五入蜀

不聞人聲聞水聲其妙却在琴中生惜別悲離彈亦苦
幽咽催天明

天明日出送高臺馬亂嘶時首重回莫忘昨夜傷心曲
此去瞿塘豔瀕堆

寄詠公

息心想緇室風味本來殊無垢林如洗獨眠鶴太孤瘦
權多秀句嬾瓚在名區此日詩新得解衣有智珠

廣陵客舍病目長歌遣懷

桃花不紅李不白病眼難分好顏色眼中如火如撒沙以
手扶之出不得三朝眩痛迷西東兼旬昏瞢復矇洗
處當求上池水吹來偏是少姨風道家養日專用晦万
物何勞晝長對六時息翕下垂簾視弗在外視在內新
學此方坐緇帷攝形神屋同枯龜七重惱熱盡退滅自
然銀海生華滋楊叟吉人善醫有仁智問疾殷勤隔日
至親為量煎藥一囊我忽心悲去年事容秋九月憂患
并哭罷好友青表魯又哭兄律師摧殘蘭茝傷鶴鶴老淚傾
瀉幾喪明入春幽結頓萌發遂令雙瞳更恍惚片詩吟就

平江貝氏千墨齋鈔本

祭延光眼神帝鑒其微宥其罰他鄉已近寒食天耳畔

香輪雜畫船草綠河橋未能見贈鈿拾翠笑無緣

同里陳君授衣屢來北郊問予目疾必獨吟花下

盡日乃去因作二詩寄之

嬉春不出畏風霾眼洗黃連涼一回半月煙廊花已謝

大開時候幾人來

暗吐濃香朝日催閉門負却小傳杯紅枝之下嘗孤立只

有清吟薛秀才

飲吳四薜林草堂出二小姪相勸

交道在名邑招要共勝緣酒知京口好人愛竹林賢小兩

□寒五侵苔見古錢老夫有行色來日九江船

間汪六巢林將次移家寄之以詩

落_二與君好相憐老勿諼此生同瓦礫無累及兒孫心外
得太古耳中間妙言草堂賞若辨先辨種魚軒

真州方六可村兩後置酒放舟至紗帽州看隔

江諸山余先成詩和余韻者十人

通宵一雨破天慳兩止放船主客閑詩老有情惟白髮
貪看難捨是青山樹添涼氣滿衣上江送好聲來酒間
記得十年前獨汎高吟曾過落星灣

冬心先生續集上卷終

冬心先生續集下卷

錢唐金農壽門

自廣陵還江上養疴舊廬寄丁高士敬身
三年始歸計自此遠埃氛因病得奇福閉言無苛文連
林見山果守戶有江雲往復者誰子城南丁隱君

曉起入西湖周覽湖中諸山復捨舟度黃泥嶼
憩靈隱寺門觀南宋人紀遊題字予出馬奔
仁所斲琴蜀僧為彈商音一曲是日心意恬
適放筆成歌有未盡者以俟再來

二豎有退脫苦櫻獨眠遙夜華津生曉起東方半辨

色宿林投在鳥忘其聲敲石得火鐙挂壁洗頭濯足
四體輕一童抱琴一童扶柳樵突如小廬前後行重巖
居然在胸次久未覲面心長傾笑撐孤艇出湖濱此湖天
下無此清青山之青分外青逼真故人雙眼睛遠兮近
兮紛來迎捨舟造嶺入幽翳縈鞵寬鞵正試霜新晴蕭
九娘家炊午飯野苴柔菽同為羹選勝且向寺門坐千
龕禮佛陰苔平谿衍古洞搜舊蹟咸淳姓氏昭文明吾
本州士走他縣少而將老纔題名大書懸厓繼往哲即事
差免譏荒僮何來蜀僧論琴旨請彈雅曲銷塵情塵
情既銷音轉妙松乎水耶交相爭始悔廣陵城中作爵

客徒飽惡食形拘羸

坐冷泉亭迫暮止宿僧舍明旦出山復至泉上

取別口號二首

匆々亭下澣衣塵清坐斜陽想淨因莫怪流泉作人語
不畱人聽反催人

僧房借宿五更起決々有聲曉不休此水殷勤出山送
老夫一步一回頭

湖上後山行是荒寒無人處

歸來日々乞天閑合在雲巖煙岫間可笑三年廣陵住
低頭從不見青山

松下道心深復深叩之欲出洞門陰袖中十字風泉響
却敵豪家一餅金

夜坐小善菴

到此徑路絕果然毛骨清久之散雲氣初不辨泉聲見
葉淨可寓精蓋夙有名香長與粥薄夜話記前生

近得一琴其上儼若落梅紛錯流波演漾真上
代物也撫賞之餘作長句歌記之

長琴一張得之天作煤乾紅色間真古材水多態花亂
開細數梅有五十九朵波有千百折還迴日坐空堂壞
梁生野苔不彈則已彈則清風未掃却俗聲吹去死灰

其音也實知者昧山中猿鶴毋疑精鳴呼瞽師瞞叟
知吾哀

辛甫先生官長興時於鐺郎泊上製一小舫名曰
萍床宜卧宜坐獨自吟泛予比年渡彭蠡溯漢
江觸處遭險近始息影敝廬稱不出翁矣今先
生領分司居武林未知舊宰之地方舟楫波皆無
恙否因賦二首問訊并記予未曾從先生棹歌
之後也

兩足黃梅想着他綠波顏色近如何浮家泛宅真忙事
不及萍床自存多

高檣大舫溯驚洄定被先生一笑哈泊上無風又無浪可
常來却未常來

屋後荒篠冬心先生歸未復理成林春雨既作
清夜可聽因懷楚中劉六丈道原六丈性亦
好竹其同深矣千里屬寄以慰相思

移、竹間雨久不聞此聲好似故人至長話池上清一燈
夜將半小閣天未明所宜是何夢、在湘江行

江上沽酒小酌漫成短歌

春江照戶若我私春山笑人亦故欺惟我得知人不知有
酒吞飲真是癡青州從事歡相約一醉千場恍如昨

山月江風它處無可教月墮風零落

先姊之最小女阿真早殤頻見於夢作詩悼之

姊家少女悵難留新草新墳春復秋尚記牽衣索梨
棗而今剩下小饅頭

與丁隱君敬身詣南屏山中訪釋子讓公

君袖石我負琴癖各具癖心同心妙僧須向巖中尋
今年南屏暑早退入寺人影涼愔、僧留樹下坐移日
飯香莽苦意頗深石有高格居然列上品琴多異光直
可輕黃金天教此僧亦貪戀捶琴弄石發冷吟奇賞俱
足愛之至疑石能語石反瘖一僧二老大歡喜相對滋味

如秋陰

余第三兄晚為浮屠自號聿山道人暇日過其山

中作歌美之

酒肉和尚是我兄何礙長眉古先生不恤文字多禪悅
固知有禍如盜爭我過五十將六十未能為僧徒鬱邑
虛名却受世所擯扶石囊灰人每及阿師住山不出山野
雲冷泉相往還小弟年々走吳楚山中野雲冷泉應咲
多厚顏

送分司辛甫斂先生仍為長興邑宰同丁敬身作
送君不奉自與曩恐君飲之生別離送君不陳絲與竹

恐君聽之傷心目果然無酒無管弦但多愉悅捐憂悵

一作稽雷山民龍泓子共理茶經檢畫史十月分司不值錢

好詩方得千古傳北郭開舟何所見秋風騷々雲物變
日復一日年復年連峰疊巘青如前仍作長興舊令
尹縣中父老爭相迎朝光明河上水有情重來偏照長
官清

南屏山中觀米外史琴臺石刻之六字同少穆月

田江聲抱樸樊榭設林董浦敬身竹田寸田鷗

亭諸君大恒讓山之上人作

一僧導我行南山小而歸石潤雲蓬々松風喧靡々突

見米顛書劓削瘦螭擬慨想趙宋間操縵者誰子琴
上臺亦亡何以辨物始惟餘徑尺字筆畫古苔委此音渺
不聞翻爾戀寸晷重湖多少秋忽落青鞵底

辛夷花歌

辛夷隴辛夷花花開晶白春風家有如仙妹手搓粉
些、花不自奢香為奢細數九瓣非天斜遠鋪堂富貴
之繁龍主人招客歡為無涯笑傾酒庫何須賒一醉恍若
凌輕槎盛時追想金蝦蟆

段柯古辛夷花詩有
金蝦蟆射花光白句

輓顧丈月田二首

清宦三朝久飄然憶故廬健無須竹杖歸却為鱸魚傾

坐詩先出游仙夢不虛傳聞感微疾撒手事何如

正享太平日先生何處亡迴腸悲宿薤老淚泗陰堂段
氏食單冷陶公醪法荒明年秋雨裏菊萎罷重陽

十一月九日同少穆江聲抱樸堦樹設林堇浦敬

身竹田集鷗亭高齋待雪有作

風淒百草病我心感幽幸微霰方將集共眄西齋前
索、氣逆鼻稜、寒聳肩先嘗元相醞早設江郎禮
何時積三尺結想林中天狂飛如亂中一白同瓊田洛社
游可期郢曲和罕傳凍鶴當為謀今年是堯年

新雪同少穆葭林作

前年鄮子國昨歲新安江聽雪、不休百壺倒玉缸今
冬倦翮還非客仍是客策、初作聲暄、盈已白毡帳
可辟寒香篝如燒春回憶千里游冷笑當壚人果然
故鄉好街泥少沾泥淨似得二妙林間鬥茶坐

聞雁同葑林作

擣練寒砧歇辭秋落葉翻一聲驚雁過千里失雲昏
霜重月微吐夜殘酒半溫清愁共清聽相感各無言

負暄

偃曝冬曦下天慵一事無煖如飲卯酒癢欲倩麻姑
斲水迷寒畛濃霜散野蕪田家風氣古雞犬小唐虞

重遊安隱寺獨坐泉上歸從舊時松徑宿于舟中

曉起閒行臨平山色歷、在目漫作長歌紀之

十年前曾泉上坐松毛毵、松蓋大陰交翠撲六月寒熱
席全消無一箇今年重遊泉上亭長松拱揖如相迎
可憐老我松不老我髮已白松仍青寺門甃塔影轟轟
撫松弄泉與僧熟臨平山下晚泊船又共汀鷗沙鷺宿
侵曉行回桑柘行夜來雨止變作晴數峰有意露
圭角要試先生雙眼明

月中殘雪

沿林月寥廓映戶雪依稀圓處寒蟾濕銷時銀海微

通宵重換酒久立欲添衣樂府何人曲清光兩四圍

正月十五夜風雪不止漫賦

芳陌華閨風雪寒閉門空倚曲闌干今年今夜無情
月第一回圓不得看

老來衣上濃香減愁色尊前腕管孤檢點春遲與春
早江梅尚未吐花鬢

上春同少穆樊榭後林竹田過寸田齋中試著

小詠四首

芹

楚葵產春一作青泥小摘玉一把何勞野人獻堆盤一作春社

蘇江月氏千墨筆抄跋本

蒿

新出一作出蒿如許羹材風味殊可以芼為食問三閭大夫

韭

夜雨剪春韭咀之含芳辛夫君肉食相不似庾郎貧

薺

擷翠試夾提風詩有深取得此薺味甘當思荼菜苦

春來口號二首

瞥見春來碧玉流東風一日一番遊便生多少傷心事
柳蠹花殤酒醜愁

謝公墅內曾延賞房相池頭更占新此種風情對弦

管細吹輕撥是何人

論畫雜詩二十四首

草堂一所君王賜
隱服還山送老資
十志居然千古事
自書自畫自題詩

唐朝絕藝推韓幹
善畫風駿霧鬣奇
此法不傳留一語
廐中良馬是吾師

晉公遊戲畫五牛
最後一匹金絡頭
不比田家晚晴後

一作野塘浮鼻野風秋

風吹草低毳幕孤
矮蒼胡瓌卓歌圖
燕市昔酬三十券
明昌印記半模糊

應夢真容入定相
我嘗瞻拜生咨嗟
一燈遠勝十六軸
奇古不數盧楞迦

金陵徐熙海棠好
曾見妖紅滿樹開
蝴蝶成團蜂逐隊
誤飛來却有千回

筆底三百六十灘
忽驚真水喧狂瀾
壞廊無佛無僧住
袖拂蛛絲仔細看

長沙助教易元吉
畫出柵林翠作堆
孤猿喪子吊夜月
月色此時如死灰

南朝官紙女兒膚
散木踈花影欲扶
此畫不遭香蠹蝕
山移海潰笑須臾

龍眠畫佛畫菩薩三十二品多淨因自後紛、都醜相
刀林沸鑊鬼生暝

我愛宣和最長卷蜀花粵馬被春迷瘦金書體偏於貴
不似今人信手題

日共貴遊數趙昌朱闌碧瓦豈尋常宮中團扇畫蟬雀
小卉雜窠疑弄香

淡墨米家山大好吳生習氣嗤汝曹蓮房蔗滓都收用
不藉一床秋兔豪

濠梁雀白工小景內府法絹獨核機酸榴花下雙練雀
只近亞字闌前飛

平江貝氏千墨齋抄跋本

名

出門往往逢麴車破墨亂畫松又了毀裂不為豪富奪
黃金無用若泥沙

隱君名不挂朝端物外風標取次看江路野梅僧壁竹
可教天子賞酸寒

楚山清曉真若蹟南渡流傳直百金一雙官窰軸零落
裝潢誰知趙孟林

秀木幽坡覆短莎馬和之畫日摩挲楊家妹子書偏愛
白髮周郎斌媚多

甘風子與梁風子細筆減筆俱通仙但知償酒付痛保
不換三百青銅錢

醉眠伎館溫和尚水墨葡萄濁世誇怪葉狂藤等見戲
儼然一領破袈裟

畫貓驛卒有神技澤吻磨牙逞虎威夜深張壁可絕
鼠果少青油污白衣

一翁七客皆遺老剩水殘山紙上看相對淒涼話亡國
袍藍襖葛巾寒

王孫畫羊吾舊物失去蒼茫異代非春草年、生怨綠
可憐殺毬上天飛

朱陽館主荆蠻民遠岫疎林無點塵也曾著箇龍門袖
此老何嘗不畫人

與薄隱君自昆具舟至木瀆訪汪高士伯子巖東

草堂信宿不去際晚猶游池上欣然有作二首

輕舟如身輕溪風喜不逆况與靜者期遂造幽人宅長
林蔽檀欒諸峯見婉孌巾幘無煩苛茶小有清格或
坐或斲眠忘言擔將夕

將夕池上行衆鳥喧而妙游魚無懼心前軒方罷釣願
同魚鳥樂挈杖且一笑石徑宛轉橋小立各領要知君
託棲遯此中可埋照

均密讀書燈為伯子作

鐵檠棄墻角銅盤夢華胥何如均州密一燈照讀書

祕色頗可愛官哥非精儲聞君能憂患折節誦有餘
昔者都少卿南濠市中居琅、夜弗輟寒暑恒閉廬君
今亦耽此其樂同蟬魚儻逢乞火人與之世躊躇

毘陵道中即景有寄

鳥下煙汀三沐浴花飛風戶百顛狂酒人零落瓊庑冷
不解離愁及斷腸

題西巖精舍

偶來古寺獨徑行不見山門稽首迎菜腹阿師無秀白
空留春霧滿窗生

寄長興錢秀才蘭佩

炎塵何處覓茶杯安得清泉繞屋來想着錢郎都蠲
渴三年三上薦春臺

題溪亭琴坐小卷款暑咸淳二年臨安陳湛製
谿光夜朗山氣青山下彈琴溪上亭野鷺無聲鶴忘
睡此時却不要人聽

冬心先生續集下卷

冬心先生續集補遺

楚州張先生攜青毛神龜一頭相贈因賦神龜篇

神龜何來出叢著離靈淵飲而不食壽萬年
追想甲子繞分地天此龜疑是洪荒先其長周尺二形具足其背
曰神屋藏六妙用在信縮屏息無聲忘晦羽青色蔽體
一寸餘首翠飛瑤光舒冷氣逼人三伏初蓑衣仙占卜
奇曾見古皇軒轅同定義張公攜贈意頗重昨乘緇
車夜入夢世間凡水多腥涎無憂樹下養以均州十斛大
缸滿注天上泉久之宛若江淮湖海相周旋日對真可蠲
煩惱被疾癘延休貞豈特洗眼增雙明三卷金字經

學得導引教游乎黃庭我亦不死與爾終始

酬詩弟子束生枝鳳

前年子來謁蕭寺從我游入林風滿衣六月如寒秋授
以五字詩韋郎最清貴其音近疏遠其淡有滋味今年
子更奇弔古狂不休雷塘嗚咽水何事干卿愁知我
燕趙行送別出吟卷纏綿復纏綿一日三見面

乾隆十一年三月廿有二十日乃余六十犬馬之辰

觸情感事雜書四首非所以自壽也

清江三月好風多自唱年々銅斗歌莫晒求官我無分
金襴不換一漁蓑

平江貝氏千墨齋鈔藏本

白傅無兒詩更達蕭郎捨宅計非差春未咲况親書
卷賣與先生掃落花

路河渺々隔天涯記得卿言亦復佳此日荒園失料
理誰收竹粉拾松釵老妻時尚在天津家

快活平頭六十人老夫見道長精神從今造酒營生
壙先對青山醉百巡

龍井山中信步有得遂成四韻

撰杖信所往南山游日新不然訪泉實或者遇樵人
州媚青於髮松喧散若塵此心結元契幽鑰啓山真

憶吳興京口諸勝遊作此遣懷以示詩弟子孫生松

不必寫此三行
盧胡二字疑
倒寫

求查詩韻或
改之或仍舊

養疾草堂上殿、歲月徂長饑辭脯購清夢落江湖
三癸亭何在五州山到無門生侍籃輦入市笑盧胡

題喻高士大本山居

天教俗械無即事息羣動花苦林雨減鐘寒澗風送
清覲思河蒙從游有二仲新著穎陽書玉檢且一詛

越中祥風寺與禪人間坐

寺古僧亦古無言相對深長明功德水一簇小寒林雲
弄去年色鶴生連日陰名山時入夢只有老夫尋

平江貝氏千墨茶鈔藏本

冬心先生詩

星鳳閣趙氏續補

雜詩

連朝楮枯芋煨遲饑雀聲乾凝凍時獨恠村、祈臘
雲靈旗風颭社公祠

牛欄雞柵塞滿屋藥竈水筒亂堆船一椀春鐙照黃
葉酒人不散對床眠

晒稻場空冬至催齊民要術重田菜塾中阿囿切輦渾
忙事也趁斜陽挑糞灰

蒙頭潤領布衫新點勘農家座右銘可喜木棉花爛
賤太平春屬老人星

狂稱黜帝壓仙曹學道沈冥隱訣高齋戒傳聞清盟
罷繞壇叩齒十三遭

前生臨頓陸龜蒙玉札銀題譜一通不礙竹屏風底
坐塔鈴特地送丁東

殘年鼎、馮難廻阻試荒郊解凍醅一路看山并看
雪大開口笑出城來

莫論桃葉與桃根百丈游絲漾客魂記取闔閭城外
泊水肥風暖賣河豚

春水黏天山一角棗花園店路三叉隔江遠、晚鐘響
正是愁人忽憶家

婁離塚北青山廡主薄祠南春水虛青櫓短蓬新辦
得揚花如雪看叉魚

愛君清曲似屯田難忘江干話可憐尊消鱸香好天
氣秋風吹皺小觥船

桐葉篇

桐始華三月初桐垂乳四月餘碧羅張微風舒絕無
日影涼生裾自然長閉東山廬豈可不讀蒙莊書主
人之瘦、於鶴有時獨坐頭未梳頭未梳庭掃除莫
待秋霖摧葉金井虛

董浦先生呂孝廉膺薦入都徵予賦詩書此

奉其教督不貳光寵也

川途集微霰相送及新年榮出科名上聲聞古聖前
登朝乃無忝補史信流傳我獨山南任山南有薄田

送守瘕五兄之粵口占兩絕句

斬新詩卷杜樊川南粵無端隔遠天刻意傷春復傷

別軟風斜日過江船第三句用李商隱句

一雙兩雙大胡蝶千樹萬樹瘦桄榔我愛羅浮山下路

荔支紅候任蠻鄉

詠湯媪

煎製何須牝牡銅溫湯滿挹注當中徐娘雖老心猶熱

平江貝氏千墨齋鈔藏本

楚女無言體自融酒冷燭銷期獨睡風簷雪虐伴衰
翁笑他纖巧玲瓏樣棄置長門轉瞬空

弄月蓮花溝歌為徐君松源作徐名去消

此月團圓復團圓我呼天上爛銀盤不照秦女彈箏筵
拉雜十四弦不照楚宮悲秋船嗚咽聲可憐又不
照塞翁黃沙白草枕戈鋌又不照妖狐拜影狼嘯烟以
及雪中曳尾之蛆地下叩頭之蟲偷吸清光萬千此
月偏照黃山最高處蓮花峯頂龍潭前峰竒石怪松
倔強更與此月相周旋有一人兮雙碧眼手弄此月吟
詩篇詩篇嘲笑壓倒李供奉飽喫月窟玉屑之飯

稱飛仙

可舟先生自署號曰客吟翁屬丹陽丁君寓六
十二歲晏坐小像于尺幅中而請三十年前老友
杭郡金農為之題因賦長短句以獻之先生
本作者最愛予詩故不惜病夫涸頽之勞也
先生老矣懶上長安碧轂朱軒大道傍細說少年情
事金蟲玉蝶一任柳蠹花殤昔曾讀書芸館不問漂
麥與三羊而今剩得小巾箱中歲客遊湘江楚畹多丰
在水郭山鄉二姑九子題詩亦復幾迴腸近日閉門罕出
好似顛當段家食譜鑑家酒場笑辭三萬六千觴爰結

平江貝氏千墨齋鈔藏本

賣鉤徒能琴蒙叟世外之交、最長靜中獨坐自放
心光坐到無聲無影便是神仙却老方聞君有百弓
閒地何妨縛樹牽蘿起草堂草堂前種竹成行

吳四薌林以名泉相餉作詩報之并寄玉几先
生教而和之

故人遺新泉、味如人味若非筮中接定向松間遞先
滌衣塵繼再嘗玉漿異鄰巷拾老陳別茶真解事
拄腹五千卷舌本有品第試君自然鐙薌林自製茶具清吟各擁鼻
色奪兔豪杯滌雪良可擬莫使殘客知醉鄉正午睡

養素園十景

繞屋梅花

古屋淨如水
梅花叢冷香
每於疎枝下
窺見月明光
倚樓臨水

遠樹柔藍

青々三百樹
一望在平陸
朝夕與客同
瞻々生遠目
乾溪雨漲

積雨號々聲
入耳非凡響
一道白於練
便作清谿賞
夏木垂陰

崇柯幕重帷
高吟者誰子
五帝與三王
不知何人是

平江貝氏千墨茶鈔藏本

踈兩梧桐

井梧覆蒼苔
園扉午後開
有客青油傘
不辭風雨來

三秋丹桂

丹桂散麝塵
其下設茶具
四士與五君
分詠小山句

古寺鳴鐘

鐘聲古招提
淡省未能寐
因之思南朝
四百八十寺

秋溪紅葉

小園秋氣清
丹樹黃如織
何待短轅車
坐看好顏色
遠山雪霽

雪晴湖上山
簇々磬頭奇
孤藤共雙屐
昨與幽人期

養素園介壽

七十老而傳其禮見禮經有子策今名文字生芳馨養
親奉甘旨精潔非羊釧君家闢小園以檻竹松檉樂志
具間論戒奢勒新銘玉池濯仙骨丹砂駐長齡是日
風景和消搖乎廣庭載誦難老篇舉觴開雲屏

題自畫杏花

香隄江兩上林街墻內枝從塘外開只有杏花真得意
三年又見狀元來

觀虹橋芍藥赴盧雅雨之招

看花都似白頭人愛惜風光愛惜身到此百盃須滿

□□□□□□□□□□

冬心先生三體詩



斷居亦齋
山乃頭如
雪心少塵
七十翁而
與親日苦
吟生絕癡
新安方輔
題嘉定楊
謙書

名照此物

冬心先生三體詩

杭郡金吉金壽門

心出家盦在稽留山予避喧之地也盦中
耳目清供一物之微皆可入詩諛人不如諛
物諛物無是非也

種竹竹無算風嬉雲幽幽一竿吾嬾取去釣東
諸侯

九秋晚菊勸酒二月紅蘭笑人遊山却有阮屐揮
扇而無庾塵

石女嫁得蒲家郎朝朝飲水還休糧曾享堯年



千萬壽一生綠髮無秋霜

訪澗上酒仙所居

消息三青鳥玲瓏九瓣花起居齧夫子碧落是
仙家

丹梯常俯松闥湛露分沾藥畦昨夜何人偷飲
厨中失玉偏提

白雲忽自眉際出黃葉亂飛衣上未空亭久立
非無意攔路溪風不放回

過龍興寺寺僧設伊蒲之供因而止宿并

山山中對月聽泉即事有作

平江貝氏千巖

七重舍利塢尺二辟支鞮梁朝賜寺古茶板赴
清齋

目短破月失照手寒澀琴罷彈真箇一無兩事
猫兒狗子盤桓

山僧畱客聽山泉客與山泉有夙緣此耳此聲僧
解舌滿堂飛兩夜忘眠

閉門非無事也

鄰女花錢少山僧鶴價無秋來新債主却不是
屠沽

雪中芭蕉一軸玉右轄畫風流摩抄押縫小印

非碌碌爛羊頭

破屋三間可奈何請看壁上煎茶歌石如飛白
木如籬除却高人不愛他

不速之客日有所至放言高論皆抱道士
也詩以書懷捐之坐隅

袖有京氏易林無和郎錢窗座學書好掃帚
毋相纏

客至左韋右布門開面池枕林作達不謀生產
放言詎失初心

八百株桑二頃田幾家耕種兒孫賢三十年来

平江月天并墨香抄本

三易主成都洛陽殊可憐

冬夜作消寒盒子之會筵上被酒各賦小
詩詩成付管絃一一歌之

吳家心字香貯以倭奩輕熏鑪夜可憐果信火
有情

消寒作盒子會乾紅燭底曲房第一兜羅絲
手琵琶謝十三娘

今日老夫肯少年月圓月缺缺還圓酒污貂裘
故相惱北風吹倒小艤船

過劉孟公前輩草堂有贈

妖花妨道眼白白與朱朱衰年都不愛
只種菊
蒹蘆

殺蠅忽思是蒲淵日欲到扶桑閒話目前太古
不愁地老天荒

五品為郎三輔賈瓦松賦罷太蕭然昨朝病
酒今朝雨鷺宅誰償私鑄錢

自贈

少昊是吾長孤生骨立寒人間重卿相莫強管
幼安

有道蒲輪五辟名賢玉帶三徵可值拂衣一

平江貝氏千墨卷沙叢木

笑噴齷齪能與不能

蓄魚于樹鳥棲泉物性相違便倒顛洗耳鑿
坏非矯世此翁原不受人憐

過吳侍御野林別業同其親半數輩

作文酒之會酒半出觀宗人山水無款畫

少立軸因賦此詩以代劄記

故人朱拔貴昨謝驄馬歸無塵亦無垢新製
遂初衣

范舅王甥談藝梅兄竹弟舉杯愛潔一日數
沐下帷經年罕開

唐朝麻紙宋刻絲裝界精能好護持鑒賞不
逢勾處士青山減色樹摧枝

枯梅盪梅花

此梅日成削自署枯梅盪香味如醞味聞之古
瞿曇

天寒清曉呵凍林下水邊不忘那有雄蜂雌蝶
霜埃作百顛狂

雪比精神略瘦些二三冷朵尚矜詩近來老醜
無人賞恥向春風開好花

題王高士元元山舍

五言繁主簿小筆梅沙彌能詩復工畫臣料
何嘗癡

香林無百毒草玉井有二青蛇終日看雲來
去忽離忽合人家

手種靈芽仙葉同山南新焙品花宮一甌嫩色
欺春雪天上茶星是此翁

宅抱草木負貞曜先生詩也嘿、終日

荒厨斷煙秦山人語也予舊廬深閣時

有戒心九朝三食又予之恒境也因希德

兩賢而長謠之不遭擯斥此予之獨得也

江蘊夜已敝墨突午不黔卷舌古有誠寡言
守皇占

舊日杪權若微今年薜荔成幃可恠一雙雉雀
人前故衒新衣

春風暗逐七香車吹得開花又落花果竟春
風忙甚事春風不到老夫家

得鮑十四辛甫先生海寧官舍捐世見寄
之書哀悼不已書中遺言云當葬于杭
州靈隱寺門便是長吟鶴髮翁夜臺也
予為後死者服總麻設位哭之并投以詩蒿

里之曲薤露之歌豈無謂邪

夢占鵬鳥賦鬼唱秋墳詩傷逝揮老淚若江
河漏卮

三舟客有千里七品官無一錢小北印山何處石
人嶺下長眠

易著書來墨慘新蛇兇羊讖應凄辰聞君數
日前頭事共語轆車紙偶人

三過當湖訪張君龍威作此贈之

蒲塘水正暖柔隴花已飛昌郎小舴艋三叩白
板扉

東吳故多才子君矣沈謝何劉好是襍裋野宦
林中高出乙頭

堊色唐甄古塘開題詩愛爾坐高臺豈豈孤

筆管顛狂甚乙霎獐雷猛雨來予藏古甄唐時物也龍威為賦長歌

舟泊弄珠樓漫作

孤蓬與短檝不載千里愁蒙頭聽夜雨此是野
人舟

一日了日且過于思于思復來難得綠波留客
綠波如撥春醅

遠郭東湖少世情弄珠樓下冷清清破毛之禽

晚爭浴汀草渚花無賴生

將遊漢陽不得与龍威道別詩中所言
則連日情事也

官清俸錢薄縣僻泣歌稀六詩妙天下不識劉
孝威

斜日額黃顏色迴船寂寂古津絕無花叢勸酒
只有塔影送人

角角雉聲去秀初夫君不見心躊躇相思乙夜
減衣帶去別山前遠寄書

梁溪道中望九龍山捨舟策杖至聽松盦

與松泉開士茶話第二泉上追悼拙存恭
壽兩先生不覺星燧逾一紀矣

名山踐宿諾畫竹古人殊一竿頗矜惜不換紅氍
毹

但愛細雨泊寺何等峭帆得風啞以水為宅自
呼曰信天翁

久亡綠骨松間客暫對尖頭泉上僧今日此心頓
無著十年前已冷如冰

賀家池頭看月

八萬三千戶清光戶戶開仙人玉屑飯分授見

誰來

酒味如餒太重鄉愁似瘧無情今夜已判不睡
笛聲吹到天明

不巾不屐煩暑清一丈荷花露倒傾風亦小心
雲掃盡涼蟾向夜泣三更

過張氏廢園

墮毛鶴隕子搖荷竹開花荒池少人問聒聒私
蝦蟆

園丁背掃落葉有客斜陽叩門門外青山不
改門前舊額猶存

歌筵昔夜雨，冷燼熏袖溫。磨散莫尋飛，爵騰
觚如昨。夢紅葩，空自滿堂襟。

客謝司空寺宿，後日過繪事樂章。皆
負絕藝，即談禪對弈，各有品目。因示小
詩，共作一笑。

林中芭蕉樹，佛前功德電。不壞與不滅，一一試
問君。

妙畫深巖委，間新詞霧唾。珠啼何必錢，知什
伯不妨路。失東西。

空堂飽飯有棋聲，四角中央總不平。客去鯨桴

無一子，恨他黑白太分明。

冬心先生夢遊山中見古松一株作詩以
贈，詩不贈人而贈松，是何意乎？松之靈骸
神景勝于凡軀千萬矣。松真有知其音冷
冷然若相和邪？

深山見道士，顏色如少童。自稱百木長，散髮青
蒙蒙。

怪石久間鞠，伏惡藤不受。糾纏若問此，松年紀
軒轅在上頭。眠。

半朽半枯死復生，天台路消無人行。世間只得

韋郎好能畫一枝風有聲

近日

寧為楮床龜背作被繡犧小草凍不死我心如
卷蕊

洛中夫子開卦箴少老媪乞書惟此得錢不愧
得錢一醉何如

桓野長笛招即至徐凝惡詩洗去多放狂近日
得笑疾不計人間責與訶

上巳春遊曲廣陵記所見也白頭鞞容作
此小兒女語不免陌上遺鈿墮翠竿之人

掩口盧胡而笑邪

比肩列玉屏攜手舒春蕩願為洲上鳥不匹飛
單樓

橋南橋北桃花老子也愛繁華鬢髻傾脂河
畔畫中紅樓孟家

香槽雁柱第三摠芳草雞缸酒十分記取蕪城
好天氣暖雲如粉射斜曛

寄北山僧恒公

輕磨佛幌烟弄筆生精神牛羊馬犬豕畫畜不
畫人

陸疾著毀茶論奚康廣絕交書此事便傳千古
吾將入山焚車

白荷花開涼四肢脫穉野竹相參差一聽秋雨
秋池上石夢公卿夢阿師

金陵楊孝父天性狡妙善竒篆有佚摛
之遺見人輒漫罵不已予最愛之近從南
嶽來客揚州相對論世作詩以贈亦狂
泉之飲耳冷吟冷笑如何如何

怒割乖龍耳笑除風后奸何如君罵坐豪氣高
桓桓

漢啓母廟石關吳禪國山殘碑落筆衆妙之
妙知卿舍我其誰

三年出遊萬里歸白眼如君天下稀曾聞祝
融峯頂宿喝月倒行霜倒飛

客嘲賓戲有間及近狀者乃遣中山毛生
答之石卿墨卿頗有助喉舌也

手弄古時月耳聽空中泉點帝是何物謔浪三
千年

甲乙丙丁編集出并齊魯騎驢題詩半在行
路絕似西風雁奴

丞相車茵御史臺也容爛醉逞狂才郢中兒
與洛中客可見東塗西抹來

寄懷萊州沈椒園觀察

勞山山渲青僚佐陪清吟遙知戟門內五字稱
詩林

車前八騎自有袖裏三疏曾聞年來風度不減
青玉明珠想君

三五二八月嬋娟連宵千里日矍矍風吹破帽
酒人散可記家鄉抑鮓天

論古不論今也今人安足論哉論古古人

平江貝氏千墨齋鈔藏本

不我罪也

何敬客殘客呂不韋門生貪名與貪食相較
孰重輕

龐德公非侮士羊叔子豈醜人抱此百年痼疾
由東鄰不稱臣

買山而隱郭文舉恐富求歸王秀之近來此輩
何曾有好月好風空待誰

題首邪之廬壁上

酒羗与荒僮不送亦不迎青苔斷履跡忽上筆
林生

隸書三折波偃墨竹一枝風斜童子入市易
米姓名又落誰家

野梅瘦得影如無多謝山僧分一株此刻閉門
忙不了酸香噉罷數花鬢

江君鶴亭在燕市購得古槧本書數萬
卷載之櫥櫝以歸作詩美之

聞君遊天家買得書一車好書如好色非章臺
狹邪

池北可充列庫藤陰定貯閒廳抽卷百回百讀
翠蛾隔箔簾聽

平江貝氏千墨齋鈔藏本

三承渡河事頗誕古蟬食字仙何靈不為押
闔斯人語安問趙蕤長短經

辛未除夕獨酌苦吟憶老妻曲江上

作客身千轉憶家腸九迴揚州好厨釀可惜是
孤杯

春碓紡車人老蘆簾紙閣燈深定設香花供養
一軀長帶觀音

歲去堂堂挽莫追最難忘事是霜帷四婆裙子
新漿洗今夜擣聲生別離

今日

鏡閣掩新粉花瑤失故紅
岌岌復悒悒阿儂可憐蟲

大人送衣贈藥名士汲水伐薪取資於友不淺昧俗却我率真

五言八格包明月一著饒先夏志松詩損心苗棋損智不如萬事任天慵

汪六巢松忽爾喪明樂丈慶夫患足經年不良於步好友情關作詩想慰此古人之疾也若老柏之有枯枝竇鑑之失疲照何碍乎其本來也

平江貝氏千墨齋鈔藏本

目盲張太祝足跛觸左師捷行兼善視笑殺蔡充兒

蹇處却勝屈膝閉時即是垂簾可喜靈臺不昧何憂蓬戶常潛

此後已辭傾險路從今不見尋常人一春花福仍消受弄影聞香各占新

此所要抄入

考照此抄

金陵湯鳳錦寫劉之科刻

平江貝氏千墨齋鈔藏本

冬心先生甲戌近詩

百二硯田富翁金農著

松

松風冷，灑面涼十丈不已青蓋張
鍼如靈鼠尾更長松花黃松卵香
下有茯苓夜有光目明耳聰
未作糧山中之人百歲強前村往
聞石羊

遊魚曲

我生嗜羨同隊魚大魚少魚一簇居
綠差水碧玉如飛花撲面三月初欲
寄故人千里書故人遠
宰相隔十餘載尺素送望江海北固
山下有

毒鈞世貪其餌慎爾遊

雙禽雜言

白練雀一雙林中啼其性不叛亦不飛不棟別家
枝上棲別家樹雖好密葉蔽空根合抱虞人禍
機卒難保饑時且食山果紅莫咏地下叩頭蟲
彼方乞憐求天公

燒香曲

羅漢松菩薩泉常供長生繡佛前吳儂新嫁羽
林郎夫婿貴盛年正強昨宵歡贈明月璫翠
幘梳頭髮好看堆起烏雲十八盤退紅衫子畫

平江貝氏千墨齋鈔藏本

雙鸞一春逢廟燒香早來歲阿侯懷中抱

老少相倚曲

凌霄花挂青松上天梯路可通鬢鬅十五女兒扶
阿翁長袖善舞生迴風花嫩容松龍鍾擅權兩
露私相從人却看花不看松轉眼大雪大如掌花
委枝枯誰共賞松之青々不休三百歲壽春復秋

四月十六葛蒲生日也予眉元時林松泉代

郡鹿膠墨一螺乃為寫真并作難老之

歌稱其壽云

蒲郎蒲郎鬚髮古四月楚天青可數紅蘭遮戶

尚出花紫桐翻塔正垂乳寫真特為祝長生一醖
清泉當清醕行年七十老未娶南山之下石家女
与郎作合好眉嫵

治春曲

東風放顛吹倒人野桃鬧紅燒却春百缸滿注光
鱗、黃金夜啼晝忽笑笑時強留去恨早薄命
花殤酒龍天君不見錢塘門外蘇小小香輪無殺
一堆草

松間曲

白孝袍青笠履清旦山行松里許松風為我一掃

平江貝氏千墨弄鈔藏本

地忽作水聲吹到耳耳中生毫但願如松長此身
落、如松強試問有錢百萬河東客可買松陰
六月涼

峨眉山中精能院漏尊者書來問詢作詩答之
蜀僧書來日之昨先問梅花後問鶴野梅瘦雀各
平安只有老夫病腰脚腰脚不利常閉門閉門即
是羅浮村月夜畫梅鶴在側雀舞一回清人魂畫
梅乞米尋常事却少高流送米至我竟長飢雀
缺糧携鶴且抱梅花睡

野枇杷歌

野枇杷雪中開花老僧家天生蠢葉聳且奢
常把山樓一半遮飲澗猿白豪長好似團圓明月
光隔林游戲偷先嘗不待洞庭滿樹黃

竹枝曲

山中釋龍三日眠龍子龍孫飛上天秋來弄雲掃
紫烟一唱竹枝人可憐人不見愁千萬餘音在水
湘江遠滿暮雨增幽怨

痛按此冬心先生書近作於小冊贈杭堇浦太史者鮑

丈添飲曾見真跡云

貝壠志



平江貝氏千墨齋鈔藏本

小字双行寫
後款勿物